

## UVOD

U ovom specijalističkom radu objašnjeno je funkcionisanje interne kontrole i revizije u bankarskom sektoru. U prvom dijelu rada biće analizirano funkcionisanje ovog sistema, osnovni pojmovi i definicije revizije i kontrole. U drugom dijelu rada obrađena je zakonska regulativa i opšte odredbe zakona Agencije za Bankarstvo Republike Srpske, kao i njihove odluke. . U trećem dijelu je analiziran uticaj interne kontrole i revizije u bankama na finansijske izvještaje, te uticaj revizije i interne kontrole na uspješnost poslovanja banaka u cilju sprečavanja lošeg poslovanja i eventualnog bankrota..

Potražnja za revizijom pojavila se iz ekonomskog odnosa koji postoji unutar određenih organizacija kao i između tih organizacija i svih onih koji imaju određen interes u njima.

Nastanak modernog računovodstva i revizije vezan je za industrijsku revoluciju i nastanak velikih trgovačkih društava uz što su vezane i narasle potrebe za prikupljanjem kapitala potrebnog za finansiranje ekspanzije. Rast modernog trgovačkog društva doveo je do pojave dioničara i dolazi do odvajanja funkcije vlasništva od funkcije upravljanja koju počinju obavljati profesionalni menadžeri.

Dakle, menadžeri su dioničarima služili kao agenti i upravljajući imovinom društva obavljali su posao za račun dioničara.

Računovodstvo i revizija igraju značajnu ulogu u odnosu menadžer - vlasnik.

Prirodno je da zastupnički odnos koji postoji između vlasnika (osobe koja nije prisutna u preduzeću) i menadžera dovodi do sukoba interesa što je rezultat informacijskog nesklada.

Informacijski nesklad podrazumijeva da menadžer, uopšte, ima više informacija o "istinskom" finansijskom položaju i rezultatima poslovanja nego što to ima vlasnik koji nije prisutan u preduzeću.

Također, menadžer može manipulirati izvještajima zbog toga se mogu menadžer i vlasnik (dioničari) složiti da menadžer periodično izvještava vlasnike kako raspolaže njihovom imovinom.

Dodatni dokaz potrebe za revizijom pruža i činjenica da mnoga preduzeća (ona koja ne kotiraju na berzi) i opštine, takođe, ugovaraju revizorske usluge tj. da na slobodnom tržištu postoji potreba za revizorskim uslugama.

Revizorske usluge su tražene i zbog toga što revizija igra dragocjenu ulogu u praćenju ugovornih odnosa koji postoje između preduzeća i njegovih dioničara, menadžera, zaposlenika i Zajmodavaca.